


邁即題授冠帶不必赴京授任之後不論科貢但進德修業
造士為先而明經課文次之三年一考六年再考撫按會薦
俱陞部寺京秩若教範平常貢士外任歲貢致仕又漢武設
太學博士唐制郡縣始有學宋制諸路州縣教授共一百五
十三負我朝遠踰前代郡縣儒官多至四千餘負名器稍濫
竊見順天應天附郭宛平大興上元江寧四縣總于府學今
將各府附郭州縣學即併府學不減其廩增附額但以府學
教授五人等之董之各州縣學有學正教諭加訓導一餘可
裁省命下部議

戊辰白貽清為右副都御史巡撫甘肅

流盜萬餘圍慶陽府城前鋒抵寧州寧州告急時慶陽獨推
官罵一荀已察處楊鶴在邠乾不即援又宜君盜萬和尚等
南窺涇陽三原又韓城澄城各盜分犯不知其數云

吏科給事中葛應斗糾御史袁弘勳錦衣衛都督同知張道
濬通賂竊權命下獄弘勳受溫處叅將胡宗明賄及戶部主
事趙建極賄囑于兵部尚書梁廷棟吏部尚書王永光而廷
棟謀代永光弘勳道濬為永光所任按贓俱有跡弘勳戊平
涼道濬戊代州



己巳官兵追韓城盜于葭州斬四百六級

庚午刑科給事中吳執御論吏部尚書王永光誨貪宗墨急賜禮退以全末路不允

壬申神一魁陷合水縣

三月乙亥朔

丁丑張應昌等擊神一魁擒斬二百三十八級鄉兵斬百餘級慶陽圍解時謀招一魁散餘黨千人


己卯賊渠劉全劉鴻儒求撫

壬午京師大風霾

吏部尚書王永光罷

癸未賊渠孫繼業茹成名等六十餘人來降還合水知縣蔣應昌并保安縣印提督楊鶴受之令固原知州國日強于城樓上奉御座賊跪拜呼萬歲訖前列幟二書太平有象聖壽無疆導賊入公署謁鶴宣聖諭訖同往關將軍廟令設誓諭各解散或歸伍或歸農疏侈其事而群盜視提督如兒戲矣其衆數萬人皆勾下辦髮

巡撫山西宋統殷請兵餉及行糧功賞鹽菜之費乞留驛站裁銀十餘萬從之



寧武總兵孫顯祖回鎮都司劉敏元以三百人剿靜樂盜逃
回脅道臣索餉監視太監孫霖諭解之統殿諭顯祖落職副
總兵張應昌代之御史郭必昌上言寧武之兵逃靜樂永寧
逃寧鄉凡三尋罷統殿聽勘

己丑策貢士吳偉業等三百人于建極殿賜陳于泰夏日瑚
等進士有差

庚寅東川盜攻嵩明


甲子大盜劉五可天飛據鉄角城混天飛獨行狼等聚蘆保
嶺衆各萬餘苦飢于是鉄角城盜思犯平涼固原等處蘆保

嶺盜思犯耀州涇陽三原涇陽混天飛薄寧州分犯環縣

乙未巡撫練國事剿盜中部斬盜一百二十級盜南走

戊戌巡撫山西張宗衡為兵部右侍郎總督宣大軍務

庚子工部左侍郎沈演言臣累疏建堡聚民之法以民察民
自無遺奸耳目者衆內應何從措手非止本計亦兵執也從
來治流寇之法賅之易定之難法在安插相其曠土隨在附
籍此安內必用之策也以遠民遠實土以遠土瞻遠兵與開
屯者即與為世業屯有軍屯有民屯此外攘必用之策也遠
故有盜軍益場益額道臣陳新甲料理有緒特在兵復之耳




抑幹濟須才才為出世積偷之後法當糾之以嚴無偏黨即
正有條援即邪人自有真賢否國有真利害乞勅中外令條
上便宜不論在官在籍即高士如陳繼儒真品如舒曰敬等
行為世儔學曉經濟皆得各條陳所見言而可行而可績
即為真才 上是之論曰陳繼儒等果否學識可備採擇該
部併議

賊陷武安監西濠之逸賊走三原上郡追兵稍不及遂入武
安監監正吳三才遁

己亥賊詐稱官兵襲華亭縣知縣徐兆麒遁殺教官周邦榮
越二日去之時曹文詒王性善以賊圍莊浪剿之故得乘虛
而犯也

諭刑部以矜疑欽恤惟錢龍錫不許已言官屢以為請

降盜張存孟擁眾脅糧賞後攻米脂葭州守卒卻之榆林道
叅政張福臻調提兵王承恩同孤山堡副提兵侯拱極都司
艾萬年唐通中協署副提兵卜應第游擊文昂新和應薦都
司張天禮守備賀人龍等同撫標游擊費邑宰左先先崔重
亨丁世虎等三千人兵備道樊一蘅監之至葭州王家莊洪
承疇張應昌亦至賊分兩營以待辛未壬申連戰賊始遁追



至西川斬三百十級顛溺亡筭又擒渠帥李成林劉民悅官
兵集于西川雙湖峪其地千山萬徑窰砦六十有四皆屬天
險自元年來巢賊無窺之者于是在、設防處、堵截張存
孟懼率百十驟逃關六山嶺馬科等擊之又逃舍峪止二十
七騎渡河守備孫守法方英擒之盡殲其騎張福臻前訪李
成林等實脅從也能招三五賊首即為功凡招三百二十餘
人俱壯士承疇令賀人龍領之其脅從千餘人歸農張存孟
初降時手殺賊目樊翅虎縛獻紫金龍似真投誠者但馭之
少不當即颺去後為大患狼子野心洵難以人道處之也

五月甲戌朔

上步禱南郊


乙亥搃兵王承恩擊宜川賊斬二百十五級餘賊屯頭山鎮
道斬四十五級渠帥闖山虎金翅鵬等乞降金翅鵬即王子
順侄成功也餘賊走且君其眾二萬官兵又斬二百四級
曹變蛟等又追寧塞遺賊于唐毛山見山勢險隘從山上下
射賊不支四潰斬六十九級擒六十餘人賊仍奔華亭又追
斬十三級是役也戰張麻鎮戰關山嶺隴安司戰楊三川戰
唐毛山先後斬一千四百餘級而寧塞之逸賊稍殺矣

丙子刑科給事中吳執御言脩省數事 上責令明奏

國權

崇禎四年

十一



巡撫練國事趙寧塞值御史吳姓于魚河口是日姓至榆林鎮以晉兵過糴斗米六錢草根木皮為盡人至相食姓因奏榆林者天下之雄鎮也宿將勅兵出馬非他鎮比雜販牟利商民欣赴初無損于晉若以防河為名而絕秦人之命恐老成謀國必不在此也


大盜趙勝以萬餘人掠韓城邵陽復窺芝川鎮靈州叅將張全昌以五百人戰三日共斬三百餘級賊走鄜州吏部巡撫練國事復同張全昌趙大亂夾攻斬六百餘級時榆林年旱白年延安飢民甚眾西安大旱練國事更請發帑賑濟不報

趙勝尋降于清澗

庚辰沈演為南刑部尚書張延登為南右都御史王志道為左僉都御史

禮部尚書李騰芳致仕

釋故大學士錢龍錫獄戍定海衛龍錫出獄周延儒即過之極言上怒甚有可遣處甚多卿等豈能盡知之語挽回殊費力龍錫極感之未几溫體仁至龍錫因述延儒語謂非公等力揀何以當此再生體仁曰上原不甚怒也于是聞者遂謂體仁質直延儒多虛偽然亦體仁之巧于擠延儒也錢




士升生平端謹為東林所推重而寵錫其座師也聞體仁語頗重之而輕延儒體仁遂與相結

癸未吳執御言昨辦事科中見計臣疏中稱歲額四百萬今加至七百萬闕額尚百六十萬則餉猶未裕也誠問大臣此闕額尚應加否加則愈難于民不加則仍難于兵前年遵永之變袁崇煥王元雅等皆以數百萬金錢數萬兵馬狼狽失守科臣史應聘臺臣張星王象雲道臣左應選各以一邑或破于狂逞之餘或坐鎮于嬰城之際由此言之今日言餉不在創法而在擇人可知已臣妄謂北直如撫寧昌黎樂亭

遷安灤州玉田豐潤寶坻薊州平谷密雲懷柔昌平三河順義山西如大同渾源馬邑蔚州山陰朔州河曲陝西如府谷葭州吳堡米脂綏德清澗安塞保安安化等州縣除見任科甲聲績應留外餘平常各官應赴部改選今六月大選勅吏部選補進士界以本地錢糧便宜行事各隨所長撫吾民練土兵此法行餉不取償于司農兵不即援于成卒計無便于此有旨錢糧盡畀任其本兵餉兵則京解民運安出邊鎮奚資不聽

丁亥宜川雜川盜破金瑣關殺都司王廉等別部屯黃龍山



劫韓城提兵王承恩還鎮道擊敗之

己丑金世俊為工部右侍郎

初洪承疇撫盜王子順等駐榆林巡按御史李應期誅之正
月上以問入覲官因彙塘報以聞 上謂賊勢蹶甚招撫
為非殺之良是命吳牲數奏

是日微雨庚寅雨

壬辰前兵部右侍郎徐必達卒予祭塋贈兵部尚書


乙未黃汝良為禮部尚書甄淑為大理卿

丁酉延綏榆林大雨始有禾

盜殺山東海豐縣大安墟三百餘人六月七日再被害

庚子大盜張天琳等來降選其驍悍者置營中散其餘黨一
萬二千餘人給免死票路費即命其魁分勒回籍未數月俱
叛去則撫局可知矣

設遷日飢盜亦吾赤子也邊卒王嘉胤等亦因游飢而起
枵腹烏合其勢不固然必一大創之伏屍萬餘流血數十
里震潰之餘刃在其頸然後招諭而解散也始心悸魄奪
而不敢為非蓋盜之利暫而害已踵之也今彼輩瞋目揭
竿初懼官軍售首無暇屢值屢避繼而不相避且格鬪屢



鬪之後謂官軍無如我何小勝則掠小怯則降旅聚旅散
叛服無常則見盜之利而未值其害也夫人無智愚俱權
于利害之間忍飢則死忍盜則生秦人之所以相隨于綠
林者曷有窮乎。

壬寅盜自合水保安逃出萬餘人從慶陽攻中部署印同知
鄭師玄告急楊鶴遣官招之是夜降丁內應城陷

工部郎中李若愚請復建文帝廟號錄殉節諸臣下禮部
大同襄垣諸縣雨雹大如臥牛如丈石小如拳斃人畜亡筭
潞安回民作亂于壺關高平陵川宣大總督張宗衡剿平之


總督楊鶴奏招安群盜莫強于神一魁多方誘致其爰塔在
營同臥起欲假一魁以籠群盜故奏中不及一魁
六月癸卯朔曹文詔擊斬王嘉亂于陽城
吳執御言遼東巡撫邱禾嘉都督祖大壽相忤命責其自行
回奏。

總兵王承恩等敗賊于雒川縣斬一百四級

丁未大學士錢象坤罷刑部右侍郎涂國鼎終養

孫穀為右僉都御史巡撫遼東

山東徐州均大水



熊明遇為兵部尚書

戊申吳執御言每日邸抄例送閣內開兵科都給事中仇維
楨疏奏奉旨撫鎮利害何得輒開微隙臣謹據實具奏者如
臣生平強項如政府溫體仁錢象坤臣同鄉也吳宗達臣鄉
試座師也臣未嘗私至其門去歲入都候考聞周延儒門下
人蕭山李元功訝臣不至其室今年正月臣請朝宜蒞奉旨
原任御史袁弘勳三至臣門謂臣政府傳會議一語當以去
年臺臣李玄吳尚默議袁崇煥及錢龍錫入疏臣不敢徇臣
因回奏而妄及此 上切責之降俸一級前仇維楨疏密封


下部郎抄何自仍明奏

庚戌臨穎縣未刻雷雨後忽風霾壞民居壓死三人即至杜
家庄監生杜逢升主簿杜鳳儀家傾樓拔木箱匣木石盡失
飄散無跡壓死五人風霾漸至羣家庄長五十餘步廣十五
丈磚瓦磁器翔空落地亡恙鉄器皆碎

癸丑王承恩又敗賊于石堡川斬首百二十六級奔澄城界
頭山

甲寅官兵敗賊于孤堡斬一百九十五級

吳執御言仇維楨疏密封下部書史毛文煥抄自兵科命下



文煥等錦衣獄

丙辰淮安揚徐濟寧大雨水壞民居田禾

丁巳官兵戰邵陽斬賊一百四十五級又二百六十二級

辛酉延綏西協副總兵張應昌兵備道戴君思以賊混天猴

張孟金約齊蘭二頭目謀襲靖邊邀之值于真水川罕口斬

十三級追至中湖山復值賊二千餘人圍我，力戰射賊魁

白廣恩墜馬又射死張伏倉賊亂追斬四百十五級

壬戌前巡撫雲南王恩民卒字 雲南臨安魏人 隆慶二

年進士知 縣 拜御史歷今官年八十六

癸亥賊混天猴獨行狼等謀攻合水縣衆萬餘人自甘泉之

甄家灣而東洪承疇率都司馬科等兵二千人追之丁卯追

至甘泉山斬七十餘級

己巳考選庶吉士吳楨會章正宸李世奇韓四維楊廷麟程

正揆張溥沈延嘉張師度倪于義馬世奇莊釐獻胡平運羅

大任吳太冲吳之芳趙之英曹蘊清楊繩山楊士聰王邵衛


亂文

蔣允儀為右僉都御史撫治鄖陽

賊混天猴等乞降

國權 崇禎四年

十七



西犯延綏紅山官軍拒卻之斬百三十級

南禮部主事周鑣請卹建文諸臣

七月癸酉朔官軍追賊至延川延水關

甲戌賊被圍迎戰馬科等及延安副總兵李甲等合斬二百

二十餘級賊走黃河濱溺死甚衆洪承疇暫住延水關總督

楊鶴率兵敗賊于鄜州斬三百十三級降二千餘人

前南工部尚書沈懃卒字叔永浙江歸安人萬曆己丑進

士授工部主事歷郎中福建提學副使累遷河南左布政卓

異第一陞光祿卿進右副都御史巡撫雲南戡亂功進南兵

部右侍郎至今官生平直忠厚他無嗜好予祭墓贈太子

少保

丙子大盜萬餘復據鉄角城突出圍合水縣游擊陳光先前

戍四百人同知縣施喬樞力禦之


武定府常勝營武舉官李瑗襲殺逆酋張世臣于納種

戊寅賊入東關恣掠陳光光率兵巷戰斬七級逐走之曹文

詔自慶陽以千八百騎赴救至花園寺聞炮聲疾馳賊迎戰

俄四山伏起合圍文詔几不支文詔力鬪突圍賊始敗走追

殺甚衆我亡八十四人賊分路趨驛馬關



丙申流賊約二三千人屯石佛原謀犯平涼搃兵官楊麒遣
剿庚子追至安口河擊斬一百五十餘級明日崇信寨斬
六十餘級

辛丑賊陷中部縣先是守道翟師雍所撫盜田近菴等以六
百人分駐馬欄山巡按吳牲書止之無及矣及李老豺獨行
狼郝臨菴等南下攻中部田近菴內應而陷吳牲行次隆坊
鎮去縣四十里隨遣搃兵王承恩屯城北副搃兵趙大胤等
屯城西共斬一千七百二十斬

八月壬寅朔程註馮英為刑部左右侍郎劉宇烈為兵部右侍

郎

癸卯搃兵賀虎臣前奏楊鶴檄剿慶陽賊劉六等計斬劉六
是日于環縣擊斬餘黨三百四十級癸丑又斬百四十四級
西路漸平

甲辰楊麒追賊白茅山斬五十餘級

曹文詔等追賊山西屢敗之

乙巳姚士慎為南刑部右侍郎


建下大舉圍大凌河城搃兵官祖大壽與何可綱固守

己酉搃督洪承疇至平涼以鎮原賊恣掠發甘肅臨洮兵三

國權

崇禎四年

九




千剿之

庚戌賊千餘人掠慶陽之大小方山蒲河洪承疇檄曹文詔
楊嘉謨以三千人往剿之至蒲河官兵登山齊發矢石賊迎
戰斬其四百三十八級而寧夏提兵官賀虎臣以千人慶陽
防守叅將趙光遠以五百人來援諸將分駐保安曲子驛豐
樂鎮萬安監耳朶城西濠杯托寺三山饒陽以防其逸各有
斬獲

刑科給事中吳執御論庸輔周延儒一攬權一壅蔽一徇私
何地何賢才而辛未狀元會元榜眼探花館必出蘇松常淮

况會元首篇襯貼大臣是何經旨狀元攜貨挾伎而來通國
共曉試卷既有複字何以首呈江南例止二庶常胡為併江
北而奪之近日塘報奏章一字涉夷狄一字涉盜賊一字涉
邊防輒借軍机密封下部明畏廷臣摘其短長他日敗可以
捷聞功可以罪案然壅蔽不止此也去年吏部擬陞御史顧
其國為府而延儒必以鄉人故怫然而勒陞溫國奇以楚劄
切異同必欲斥詞臣黃景昉又黃道周清嚴不阿欲借鄉試
錄重處未遂其私遷怒儀郎 皇上以言路為治理之要六
月一考允部院議不駁延儒于新臣始見即叙 皇上初意




欲駁教卷因延儒委曲而止且公然謂諸臣不必急于言
私人如市李元功蔣福昌周素儒等夙夜入幕此豈大臣壁
立千仞不邇群小之所為哉 皇上習見延儒票擬摘一二
細事駁一二單言近于明敏遂爾推誠抑知延儒陰譎之尤
意之所忻吐噉雲雨意之所忻呼吸霜露寔借票以行其私
者乎上切責之至戊午吳執御再劾庚申又劾俱留中
大盜趙勝千餘人不受撫復入山西之永寧石樓榆林叅將
花攀龍神木叅將艾萬年孤山副總兵曹文詔率兵追勦
盜掠沁水縣東北有竇莊故張忠烈銓之里居也初銓父尚

書五典謂海內將亂築墻為堡甚堅至是賊犯竇莊銓子道
濬道澤俱官于京師惟銓妻霍氏守舍眾議棄堡去霍氏曰
避賊而出家不保若出而遇賊身更不免等死耳今死于家
不猶愈于野乎且我守堅賊必不得志乃躬率僮僕等力為
守禦賊環攻堡中矢石並發傷賊甚多四日賊乃退其避山
谷者多遇賊淫殺惟張氏宗族得全冀南兵備王肇生表其
堡曰夫人城

癸丑謝璉為右僉都御史巡撫遼東


諭武舉試技藝勇母專取文藻



祖大壽敗建于五里庄。

先是巡按陝西御史李應期言秦賊旋撫旋叛而御史吳牲
新代巡上命其確查于是牲上言延慶地亘數千里土瘠
民貧連年大旱盜賊蜂起東路則嘉亂攻破府谷渡河犯晉
西路則神一元破寧塞破柳樹澗破安邊攻保安一元死弟
一魁繼之又破合水圍慶陽總督楊鶴本年移鎮寧州遣官
招撫安插寧塞者四千有奇餘黨郝臨菴劉六等衆不下數
萬數五月初總督離寧州賊已掠環縣真寧之間此保安合
水之流孽也延安四載奇荒邊軍始亂餘軍繼掠于米脂綏

德清澗脅從甚衆几于無民去秋流劫延南巡撫洪承疇方
收拾東西兩路力不能及三月間賊掠宜川雒水宜君中部
等縣趙勝衆號數萬自山西回黃龍山西安北界韓城白水
澄城蒲城郃陽宜君中部數州縣被毒最慘此延北邊賊流
毒西安者也五月總兵王承恩榆林道臣張福臻以勤王兵
五千南剿賊望風潛逃總督移鎮耀州招安諸盜造名冊予
路費待之殊厚張天琳等臨陣降于榆林道臣不下數百人
賊見大兵在南遂徙而北延川安定清澗綏德米脂吳堡葭
州雖散原籍仍鄉村打糧于是有官賊之謠人々恨招撫矣




趙勝衆五六萬千在清澗之解家溝花牙寺旋撫旋叛慶陽
郝臨菴劉六等亦受道臣周日強之撫今攻陷中部者多其
多則信乎招安之失策又降賊獨頭虎等見大兵之來已出
韓城潼關道吳其俊猶追贖錢九十萬賊復橫索豈米酒肉
一一給之惟謹要挾重貨之說有自來矣為今之計惟集兵
南北合剿絕其歸路殲渠寇而餘衆自破明賞而士氣自鼓
則秦事猶可猶為也

前光祿少卿許鼎臣為右僉都御史巡撫山西提督鴈門等
關鼎臣之官上六事蠲租增餉明賞罰勸忠義分信地破資
格大抵沿習之語識者憂之

流盜陷山西隰州蒲州

壬戌靖邊道副使戴君恩剿捕賊三百餘人于安塞平之
洪承疇駐慶陽復報之餉

戊辰先是搃兵祖大壽被圍于大凌城巡撫邱禾嘉搃兵宋
偉吳襄率師援之禾嘉憐屢易師期而偉襄不相能是日遇
敵于長山襄營先亂我師敗績監軍太僕寺少卿兼叅政張
春被執先一日凌城食盡何可綱語祖大壽曰可出以慰閣
部自為文祭死之大壽以二十七人詣敵營約下錦州質其



庚午我師劫敵營祖大壽逸出徒步入錦州敵墮大凌城引
去張春上書請款巡撫邱禾嘉密表其事孫承宗曰春亦有
鬚眉獨不聞其妻翟氏六日不食而自經乎士大夫不能飛
矢仆此行屍而忍為聞說春固自媿其妻士大夫亦何以見
婦人乎春被執不屈願求一死建懃欲殺之某力救懃乃歎
曰非南朝讀書人不能也因幽之某寺中日給饌春終不屈
嘗元旦懃宴諸臣或曰今日須張春一至懃曰罷之毋強此
人也久之建或攜觴酌之春色喜為諸人講經史大義諸
人多就正後疾卒至今東人言之無不歎服春子倫并家屬

十人議安置永平督撫以意外可虞令子扶柩歸里

設遷曰張春被陷時報以殉難聞詔贈右副都御史亡何
大書上追奪秩夫春寔未嘗誣膝流離殊域其志有足悲者
此猶彼薰寧可概論宋王繼宗陷契丹上書言款即張春
之前茅也繼忠見原春見疑勢有固然無俟言之畢矣
洪承疇等大敗趙勝于山西桑落鎮


罷工部郎中孫肇興因監督盛甲廠以帑誣且積負商人因
疏叅戶工二部監督太監張彝憲上怒令肇興同監造太

監劉守乾回奏肇興落職

國權

崇禎四年

十四



九月壬申朔山西流盜犯濟源

己丑神一魁復叛據寧塞縣先是一魁降後頗窘用而茹成
成名頗生事度不能制誅謀之遣成名于總督楊鶴所甲申
鶴收斬之其黨張益金黃友才等疑懼挾一魁以叛劫叅將
吳弘器縛守備范禮操守尹鴻臺辯其髮焚掠橫甚官兵攻
圍之賊食盡其黨黃友才斬一魁以獻

大盜劉國能張天琳劉九思等五部在宜川雒川韓城芝川
鎮雲岩間恣掠副總兵趙大胤在韓城去賊營二十里不出
戰士紳強之出報五十級驗之則婦孺首半之也前中部之


唐河堡報級一百二十殺村民三十五人充之給事中魏呈

潤叅大胤落職

壬辰延綏巡撫洪承疇授總督陝西三邊軍務兵備道叅政
張福臻為右僉都御史巡撫延綏

陝西官兵逃山西賊浹月共斬七百二十餘級都世王世虎
守備姚進忠戰死

乙未太監張彝憲總理戶工二部錢糧唐文征提督京營王
坤往宣府劉太同文忠往大同劉允中往山西各監視兵餉
逮總督馮世龍以招降召侮也



兵部覆試武舉奏技勇多不錄

黃友才遁追斬千一百七級餘賊千餘至環縣固原道斬四
四十六級賊奔萬安

趙勝就擒即點燈子也起事于清澗綏德逞橫于延綏奔突
韓城宜川雜川往來秦晉沿河郡縣多苦之至是伏誅于平
陽稍安巡撫洪承疇力也趙勝其黨王自用馬守應惠登相
張獻忠等

吳偉業曰語有之涓涓不絕乃成江河當賊初起匹夫瓦
合倔強山谷間其偏袒大呼首事作難者不過嘉亂子順
輦三數人耳而皆已撲滅中外大臣以為苟得倡事者之
首天下無事矣縱有餘孽州縣當就捕豈知後起之盛蔓
不可圖哉

故刑部尚書薛貞故延綏總兵吳自勉俱獄死
十月辛丑朔日食


甲辰劉宇烈為右僉都御史巡撫遼東
巡撫陝西練國事降三級俟後效
流盜復掠慶陽

乙巳前工部尚書右侍郎祝以豳卒字耳劉浙江海寧人萬

國權

崇禎四年

二六



歷丙戌進士知隨州進兵部員外郎出廣東按察僉事終養
十六年起補江西進參議累至應天府尹致任加令銜年八
十三予祭葬

丁未驗試武舉前監試御史余文燿等削籍
復黑雲龍原官時陷重傷來奔

命太監軍王應朝往閩寧張國元往薊鎮東協王之心中
協邵希韶西協

庚戌官兵復中部縣初六月甲辰搃兵王承恩屢攻不下八
月癸丑練國事繼進辛未賊突出數百騎潰圍復勾慶陽大

盜郝臨菴等引等數千自保安鎮來援謀截我糧道甘肅搃
兵楊嘉謨自耀州至而曹文詔急追趙勝為其黨五虎所殺
文詔及張福臻之兵俱至至是克之


流盜罷汝才陷宜川縣練國事在三水遣參將李甲馳斬一
百十八級賊遁逮知縣馬

副搃兵張全昌等擊賊于合水斬八百九十七級即鈇角城
賊合于中部者敗于王承恩自宜君耀州走慶陽

辛亥封岷王企鰲

乙卯南禮部右侍郎錢士升祭告鳳陽皇陵

國權 崇禎四年



丁巳左春坊左中允楊世芳劉必達以主武闈削籍初武場
令合技勇策論兼優為最技勇分刀石三等刀自百二十斤
至八十斤石自五百斤至二百五十斤策論優而技勇稍劣
次之技勇優而策論不逮又次之榜出仍有言者遂下世芳
等獄改左諭德兼侍講方逢時年右中允兼編修倪元璐覆
試與前榜同者三十餘人
壬戌巡視中城御史姚孫槩奏參錦衣衛指揮項震貪酷命
下震獄訊之并責孫槩先提問後請旨以擅提職官降二級
視事


癸亥楊一鵬為工部右侍郎

夜大風

甲子張全昌等敗賊斬七十九級

十一月庚午朔賜武舉王來聘進士第一罷兵部郎中王陞自
外郎陸澄源等六人 上力大能開勁弓來聘歷昌平參將
丙子死敵

壬申刑科給事中吳執御上言風變祖大壽向謂莽男子耳
今死守孤城意氣百倍而掠甲不至堂中國將何以威視
四夷乎黑雲龍不知何許人軍法臨敵敗軍者死降者死雲



龍負此二死，一旦來歸，又其從，年餘狡謀，兵力宜無不知之，可密告。皇上以為後之捍禦，又諸叛人在，多矣，即不必皆束身歸命，但能離彼之交，使為反噬，斯黑龍所以自効耳。不然，續命之膏未易飲，而况乎黃金橫帶耶。


丙子流賊譚雄夜陷安塞縣，賊覲邑富宦而知縣崇國弼固守，至是國弼積瘁死之。經歷胡崇啟署印棘，而老遂襲掠一空。時大兵俱集寧塞，故賊無所忌。次日即出執諸生郭汝盤以求撫。

延安慶陽大雪

己卯王承恩擊斬賊一百七十七級，傳賊北遁。

丁亥大監李奇茂監視陝西苑馬茶馬，吳直監視登島兵餉。戊子右春坊右中允兼編修倪元璐上言武場監試，余文燭馬如蛟不能特設科條，而因仍已事，主考劉世芳劉必達不能細釋明旨，而過拘小嫌。此臣之所為罪也。然其可原，即在此何者？事當創始，未易精詳。若夫情弊惇藐，則四臣斷不敢出此况。今皇上所特拔，昂元王如聘，即前榜所收技勇文章四臣，皆能識之，亦豈謂之不得其人哉。上不聽。

庚寅王承恩擊賊斬二百九十一級。



辛卯督師孫承宗還關門引疾命放歸。

上召廷臣于平臺門東事


丁酉邱禾嘉仍以右僉都御史巡撫山海關永平方一藻巡撫寧錦樊尚煥巡撫河南俱右僉都御史

南禮部右侍錢士升奏祭告鳳陽皇陵禮成未述鳳陽土地多荒蘆舍寥落岡陵灌莽一望蕭然周咨其故皆言鳳土確瘠在江北諸郡為下。民居塗炭一遇水旱棄如敝屣挈妻擔子乞活四方戶口既以流亡逋賦因之歲積催徵則絕其友顧招集又疑為空言有司束手正額不得不以逋戶之丁

糧派徵于見在之賦長于是賠累愈多而見在者又轉而去之他矣昔李特之亂巴蜀乘于驅逐流民劉弘之撫荊州在于大給田糧故流民之始不過蠲租寬負以守安集而有餘及其亂也至于選將調兵合群力剿除而不足今天下賦重政苛民窮財殫而發政施仁但先帝鄉即恃為蠲減不過太倉之稊米耳而可以招流亡可以廣開墾固本生財舉積于此矣

劉宇烈還朝別用

己亥王承恩擊賊斬三十二級餘踏冰過河入山西賊首羅



汝才渾天王等


閏十一月庚子朔協理京營兵部尚書閔夢得罷

東廠太監宋晉戍孝陵

戊申賊譚雄復據安塞參將李卑駐兵城外搃督洪承疇計
我若株守寧塞必至各處蠢動乃命副搃兵曹文詔兵備道
戴君恩等圍寧塞自率騎同搃兵王承恩等夜趨安塞城下
壬子搃兵王承恩亦自延安至即誘譚雄等五人出斬之
癸丑夜盜陷安定縣大盜不沾泥張存孟等三千餘人自魚
河川因內應入之有先降丁以迎縣官走于清澗又回縣勸

諭各賊

戊午倪元璐上言原任右中允黃道周學行雙至今代所罕
天為 陛下生此人仰佐天章黼黻一代不可謂之偶然也
在今之時聞臣此說或以為疑所謂世人貴耳賤目若道周
死後數十年天下之推之必有甚于臣言者臣雖愚悖豈敢
以身觸雷霆過情獎物即 陛下釋之不誅臣亦懼為後世
所非笑所以推舉本由至誠且道周前疏採舊輔錢龍錫忤
旨降調未几而其君卒行當道周抗疏之時同輩危慄而道
周慨然進說此誠至難至謂 陛下今日用人惟當取其侃




直有氣者今人多畏禍多其身家又間者中使銜憲四出動以威倨上官體加于庶司臣懼海內士大夫之氣化為繞柔陛下又可不式怒蛙重摧折之乎自道周既獲罪議者遂摘其試錄論及科場以其經史為子書以其積詳為孟浪此可歎也道周而外又原任順天府尹劉宗周清恬鯁介既翫醜投間道周以蹇諤承貶天下本無其人即得其人又不能用之如此又安望天下大有為陛下奮其忠能者乎臣伏願陛下幸聽臣言復還黃道周原官器重劉宗周而出臣于外承道周所應降官級此猶棄硃硃得良玉也上不聽

甲子王承恩等克安塞斬五百三十六級擒六十二人

乙丑王承恩等即乘剿安定賊潛走綏德清澗之間叛服不常

降丁陷陝西甘泉縣劫餉十萬八千金殺知縣郭永圖河西道副使張允登戰死允登解民運銀為降丁勾盜掠馬搃督洪承疇聞之遣王承恩分剿而自以四百人赴甘泉以甘泉廊延咽喉也時賊日熾承疇日不暇給矣允登四川人萬歷庚戌進士知咸陽咸寧並有善政舉卓異僅除刑部主事在廊延當荒盜之餘備極勞苦士民聞變俱喪服哭迎聲徹十



里罷市三日事聞贈允登

贈永圖

摠兵楊嘉謨等于三水縣斬賊五十七級

丁卯孔有德耿仲明等叛于直隸吳橋縣

初東江劉興治反屠皮島皮島舊副摠兵張燾與興治之內

戚沈某合謀圖興治未發會登萊巡撫孫元化薦叅將黃龍

為都督僉事鎮守東江摠兵至島興治遂叛元化以兵部尚

書熊明遇督援切急從海上命叅將孔有德等以三千人赴

關外繼以二千人有德遭颶風几斃歸復命從陸不勝怨望

屯鄒平月餘進至吳橋亦叛時僅步兵六七百人破吳橋

戊辰孔有德圍陵縣破之

副摠兵張全昌于河津斬賊百五十七級韓城西境遂安

寧武摠兵孫顯祖敗賊于萬全縣又各道擒斬二百二十三

級俱蠲子塊所部四營也走夏縣洪水鎮佯乞撫夜襲顯祖

營以有備而遁追斬八十五級

十二月己巳朔庚午吏科都給事中顏繼祖言校卜考選時考

選科道二十餘人方重國課因司農回奏混寫開復未列職


銜再煩駁查已列簪筆侍從之班隸給事中之署杜門維

谷殊多未便上以代解責之時考選科道後更核在任錢

國權

崇禎四年

三三



糧于是戶部尚書畢自嚴下獄熊開元鄭友玄俱謫自後考
選將及先核錢糧不問撫字專于催科此法制一變也

巡撫天津翟鳳翀罷

孔有德破臨邑

壬申巡撫登萊孫元化議親撫孔有德初元化謂欲復遼土
宜用遼人欲固遼心宜得遼將故徵遼將孔有德耿仲明等
甲戌孔有德連陷陵縣臨邑商河新城巡撫余大成稱疾遣
材官往諭不聽遣中軍沈廷諭以兵往肩輿赴陣不事介冑
而敗孔有德陶廷瓏兵往檄還青州


李孫宸為南禮部尚書鄭宗周為右僉都御史巡撫天津

前大學士孫承宗命冠帶閑住奪世廕以長山之敗坐矯旨
復城

官兵擊葭州賊斬九十七級

進祖大壽少傅左都督大壽守大凌城被圍日久食匱援兵
不赴遂以城降而身自逃歸或云已輸誠建約歸即舉八
城盡降故建縱之然既歸即為國堅守雖其子在建不
之顧也

甘泉賊陷宜君縣又陷葭州兵備道僉事郭景嵩死之



丁丑洪承疇聞變自西川疾馳會總兵曹文詔副總兵張全昌合剿

乙亥余大成檄登州兵赴利津合剿叛兵

庚辰登萊總兵官左都督張可大至朱橋駟值孫元化還登州言撫局已定毋西行蓋信其不反也可大叩其詳知叵測仍西元化竟檄止之

甲申刑科給事中吳執御請還原任兵科給事中魏呈潤原任南京雲南道御史李日輔不許

乙酉孔有德攻青州府城

戊子陸完學為兵部尚書協理京營劉鍾英為南吏部右侍郎胡尚賓為南祭酒


總兵官陳洪範鎮守居庸昌平

姚希蓋為協理詹事府蔡奕琛為太常少卿兼提督四夷館

己丑諸降盜復叛攻綏諸州巡撫張福臻斬四十三級

前南工部右侍郎何喬遠卒字江西晉江人萬歷丙戌

進士授刑部主事歷禮部郎中言事謫廣西布政使經歷歷泰昌初起太僕少卿天啟間以左通政進光祿卿尋進通政



使予告加戶部右侍郎崇禎初起南工部右侍郎今三月致
任性廉介家居日釋經纂史文行俱高著所著名山藏閩書
等數百卷有不愧古良史年七十五予祭墓贈工部尚書
孔有德過黃縣不及千騎餘俱烏合矢亦盡惜無禦之者
庚寅孔有德攻登州初至登州泥水山因乏孫元化今夜丁
乙登雲書諭之有德始營山下夜梯攻城東南我炮卻之初
元化素諳西洋火器又召香山澳夷訓練賊窮迫偽請降
洪承疇報撫賊張獻忠羅汝才等一千九百餘人
上憂延綏賊日蔓以陝西巡按吳姓請餉及洪承疇疏俱奉


旨久責戶兵二部不覆兵部尚書熊明遇請措二十萬金接
濟秦中

密雲大雪五日凍死人畜亡美

辛卯孔有德攻登州西城又炮卻之賊回掠臨邑孫元化與
遼將耿仲明定計招撫

甲午提兵孫顯祖于河津夏泉夏縣聞喜等處六戰皆捷共
斬五百八十一級時鄉寧被賊最慘聞喜次之我軍損四五
百人叅將周應乾被執不屈剖死之

戊戌盜掠永年縣





遠巡撫雲南王伉巡按御史趙洪範以逆首普聲作亂
上年孝純太后無御容命新樂侯劉氏求子弟貌似者繪
之又繪先帝及孝元太后御容于博平侯家並如前法
俱迎入大明門

楊士聰曰孝純御容偶得于新樂侯之子弟既已奇矣
乃孝元亦依倣為之豈覩天之姿定有一親屬宛肖以
待夫後日之傳寫乎不知先帝御容又以何人為的據
也此等典禮決當諫止而竟無一人言者


日講官禮部右侍郎羅喻義講尚書惟我商王布昭聖武章


送閣臣溫體仁裁其半以新引京營大閱等也喻義執不可
因上疏自明體仁言舊例惟經筵進規多于正講日講則正
講多進規少喻義以日講而日經筵之例駁改不聽自愧不
能表率後進命下部議聖聰天縱喻義曉多言遂令閑住







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



Inches 1 2 3 4 5 6 7 8
Centimetres 1 2 3 4 5 6 7 8


Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]

TIFFEN Color Control Patches © The Tiffen Company, 2007





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





Inches
Centimetres


TIFFEN Color Control Patches



© The Tiffen Company, 2007

Blue Cyan Green Yellow Red Magenta White 3/Color Black





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.




Inches 1 2 3 4 5 6 7 8
Centimetres 1 2 3 4 5 6 7 8


TIFFEN Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.




竹
葉
心

3393436 v.53



國家圖書館, NATIONAL CENTRAL LIBRARY, TAIWAN, R.O.C.





國權

國五年壬申

月己亥朔大風霾

四掠 洺縣

庚子登萊提兵張可大令副提兵張熹與邵國祚川兵共三千六百人戰城東熹兵忽戴紅巾反戕我兵殲焉游擊陳良謨等死之


辛丑登州城陷時孔有德上書孫元化信其言午刻開門納

國權 崇禎五年

鹽官設遷孺木著



國家圖書館, NATIONAL CENTRAL LIBRARY, TAIWAN, R.O.C.



張燾兵二三百人蓋偽降也各官力阻不聽復之置于太平
營夜漏十刻內應或云防院中軍官

及陳光福內應合

開東開門殺官吏紳民凡盡執孫元化及兵備副使宋光蘭
分巡 王徵知府吳維城同知賈名傑知縣秦世英及鄉

紳梁之垣拘于游擊耿仲明宅脅元化移余大成書求奏赦
元化復遼東賊更造戰舟募兵居七日適有舡航海賊縱元
化等歸

壬寅總兵左都督張可大知水城不可守殺妾婢自經于太
平樓可大字觀甫南京羽林衛籍萬曆辛丑武進士歷官都

司參游寧紹副將以左都督鎮守山東率土勤王 上重之

專勅平島帥劉興治內移為南京左都督聞兵亂歸登州為

守計值城陷衣冠壁端題某年月日死難處事聞贈太子

子祭墓立祠曰旌忠謚莊節性孝友好古有駛雪壘詩

集初賊登城人告急宋光蘭曰自有防院元化曰別有計及
陷叛兵欲殺光蘭謂榜其為賊也光蘭曰官體且然因自叙


清操而釋有德殺故河州判官張瑤後贈太僕少卿

延綏賊十餘人偽米商入宜君縣明日又至十餘人是夜賊
攻南門內應陷知縣李迪康防守守倫田恭把總馬騏等俱

國權

崇禎五年

二



遁明日賊引去後迪康論戍防守官田恭論死


今邠賊復陷保安縣又陷合水縣時洪承疇被劾巡按李應
真奏承疇直定任事曉暢賊情猶可展布也

流賊陷山西蒲州永寧且大掠稷山絳州太平霍陽吉州鄉
寧巡撫宋統殷提兵援剿巡按羅世錦歸咎于秦謂以隣為
聲兵科給事中裴君賜晉人也奏責成秦之撫鎮驅之回秦
而後再議勦撫蓋當事之無定見如此

洪承疇請留陝西餉銀二十萬以資勦費勸農從之
大盜黃友才逃鉄角城與劉五郝臨菴等合營謀攻環縣署

印寧州同知趙應閣懼而自經洪承疇貽書吳牲欲趣曹文
詔張應昌兵自環而南楊嘉模趙光遠兵自環而北大舉合
剿而誑于餉于是吳牲請增兵措餉命下兵部議行

元是寧塞逸賊合環慶諸寇屯鎮原縣知縣董三謨同妻李
氏死之事聞贈光祿寺丞立祠旌李氏賊屯于蒲河欲犯平
涼走鳳翔漢中陝西巡撫練國事自涇州馳赴固原檄固原
王振奇同副總兵王性善等截守各隘口檄原涼道徐如
翰同副總兵董志義守涇州各要害又檄總兵楊嘉謨游擊
趙光遠緝奸殺賊塘馬斷其耳目賊遂不敢出又食乏互疑




洪承疇從酈州間道馳至慶陽曹文詔以臨洮新兵二千至
寧夏搃兵賀虎臣新兵亦至會于西隩各夾擊賊大小十餘
戰追奔數十里傷墜亡美楊嘉謨斬二百二十五級曹文詔
斬三百八十三級賀虎臣斬三十級王性善斬三百二十六
級趙光遠斬九十七級而寧塞之強寇盡矣惟混天猴尚據
表纘練國事遂移鎮寧州時以西隩之捷為用兵來第一
速前巡撫孫元化余大成

癸亥四川威縣紅風晝晦

巡撫陝西練國事報賊陷新安寧塞請延安撫鎮返兵自救

甲子陝西鄉紳通政使馬鳴世等奏三秦為海內上游而延
安慶陽為關中藩屏榆林又為延慶藩籬無榆林必無延慶
延慶必無關中矣乃自盜發以來破城屠野四年于茲良
眾我寡盜飽我飢盜利械曠騎而我無鉄甲壯馬內鮮
貯之餉外乏應手之援揆厥所由緣廟堂之上以延慶視
延慶未嘗以全秦視延慶以秦視秦未嘗以天下安危視秦
而且誤視此流盜為飢民也又誤視此盜為降丁也夫飢民
搶衣奪食而已降丁勢窮歸命在我今勢敵燎原莫可扑滅
尚得稱飢民降丁乎若非廟堂大破常格亟增大兵措大餉



為一勞永逸之計恐官軍騫于東賊馳于西師老財匱揭竿
誰禦天下事尚忍言哉頃蒙允部請留本地雜餉遠銀十五
萬駙站銀四萬但餉銀係本年立徵之數常多逋欠以為西
江之汲乞勅該部于舊欠四鎮餉銀內亟借二十萬給民牛
種為兵行月犒賞急圖安戢庶几全秦安而各鎮安矣


乙丑在庭馬丙貴叛據葭州之荷葉坪巡撫張福臻榆林
迎樊一衛叅將唐通等以八百人擊走之斬百十二級又降
降盜党雄王得貴等十人攻綏德州復掠州東之義合駙搃
兵王承恩等擊斬二百二十餘級張福臻等計誘党雄等八

人斬之

乙丑官軍擊宜君賊失利

刑科給事中吳執御奏薦黃克績劉宗周鄭鄮又有如御史
遲大成所舉姜日廣文震益陳仁錫又有又有如中允倪元
璐所舉黃道周又臣素聞曹于汴惠世揚易應昌羅喻義乞
皇上鑒而用之上責其狗濫

丙寅西下着力兔以三四百騎近塞稱捕漢虎墩兔憨求款
似要挾搃兵曹文詔在暗門同定邊副搃兵張應昌同知趙
之庠議未決



丁卯前總兵孫顯祖有迹丁誘定邊降夷內應借守東西二
門招着力兔入之千總張射奎王希武等出城拒截曹文詔
等各斬百四十一級千總李世科陣沒文詔奉檄還靖邊初
夷丁哈台吉原遼東海西部落因避建人來歸分置各鎮哈
台吉等百餘人居定邊文詔剿山西盜頗得其力自寧塞告
變文詔回奏夷丁謂定邊空虛潛購奪以畔幸文詔內戰
逐之城外否則定邊去矣


叛兵攻萊州總兵王洪與楊御蕃不協遠屯御蕃戰失利入
萊城見攻不休

張應昌等夾擊黃友才斬三十六級賊又攻環縣吳姓駐慶
陽斬一百三十六級奔追斬共五百八十餘級黃友才崔大
進俱伏誅

戊辰總兵王洪潰于新城回萊州
月己巳朔巡撫登萊謝璉入萊州

光祿卿王雅量應天府尹詹士龍劾罷
吏科給事中鄧英追劾陝西左布政使沈演附璫上以借
叅謫外

庚午倪元璐乞養歸省母不許




慶陽賊陷饒陽堡

德陵成進周延儒少傅吏部尚書建極殿大學士溫體仁吳宗達少保戶部尚書武英殿大學士何如寵太子太保各賜金幣餘文武臣各有差張應昌等擊賊斬二百八級

未四川道御史吳彥芳上言正人護伏尚多邪類鶴班半據如吳執御所舉曹子汴易應昌等又續薦李瑾李邦華畢懋康倪思輝程紹又叅章光岳呂純如上以其朋比下彥芳吳執御刑部獄奏事上書詐不以實律擬徒三年報可

癸酉叅將彭有謨以南兵三百入萊城共守初萊人乞援于撫兵劉國柱國柱入山東境不進兵部督畫主事張國臣議撫中朝皆倚之謂撫成則萊圍自解姑以援遠為名耳中成故登萊巡撫孫元化海道宋光蘭監軍道王徵登州知府吳維城同知賈名傑蓬萊知縣秦世英邑昌主簿李仲明等逃至天津叛兵縱之航海也巡撫鄭宗周亟以聞

張延登曰登州之陷初起于熊經略三方布置為陶知府朗先陞巡撫之地毛文龍遂雄據皮島劉興治黃龍沈世奎相繼也成藩唐鎮自立之勢孫元化作撫遂成孔有德



之變而東萊慘矣。樞鎮內監再設再添，遂致高麗一折入建州。沈志祥作亂而黃監軍殺矣。善乎遼撫方一藻疏曰：東島地處一隅，一二偏將可供哨探之用。乃大帥虛設群小交集，不盡送字內金錢，不殘盡東省黎庶，未已也。大抵禍患之來，必有所自起，非驟至也。不有四路進兵，紅旗催則遼東不失，不有三方布置，遼將內用，則有德何從。反不有邊兵之調，則流賊無自生。不有遼逆嚮導，則建州何故深入而濟南何自陷。前車覆矣，後車不戒。今日猶遵其敗轍為聖書何耶。


丙子，二千騎犯宣府黃土梁。

保安盜勾，八百餘騎夾攻寧鎮。總兵賀虎臣潰走，前總兵杜文煥搗，始退而盜為，所強半辮髮西走。保安定邊遂空。

己卯盜薄慶陽城下，副總兵張應昌追及之，擊斬一百餘級。圖始解。

庚辰盜二三萬掠合水縣官兵追之失利。

壬午金世俊高弘圖為工部左右侍郎，劉漢儒為右僉都御史，巡撫四川劉榮嗣為順天府尹，劉弘化為光祿卿。



錦衣衛都督

劉僑免

癸未寧塞逋寇復熾

甲申巡按山東御史王道純言三事曰分移駐新撫臣徐從治防臣謝璉不宜並城一移駐萊陽相犄角曰須精兵孔有德所畏惟夷丁川兵耳合山東兵萬計保安天津兵四千計若再得邊兵或川兵千人口慎招安昨見兵部主事張國臣于青州面商方略曰招安遠人如彼未叛人各有田舍各有妻子各有有司無煩多事若既叛亡論招彼不來即來而收之保無奸人內應乎樞部既有碩畫國臣又遠人賊不敢害

今過萊入登在彼招安為便也

丁亥浙江海寧捍海塘告成

山西盜熾

西安府推官史可法為戶部主事

庚寅盜夜入鄜州兵備僉事郭應響出禦死之

癸巳提兵官曹文詔率兵自定邊敗盜于南家峯追斬百十

九級


乙未盜四千餘犯武鄉殺守備張一龍又樂平鄉兵六百人

禦賊而敗此曹文詔殺餘之賊也

國權

崇禎五年

九




三月戊戌朔工部右侍郎高弘圖上言臣部例有公座中尚書
旁侍郎禮也內臣張彞憲奉總理兩部之命與臣部分賓主
以辱朝廷原未嘗合內外而稱長貳也至于侍郎所任與彞
憲相值有先臣而引為例者臣無從質且不知彞憲領勅有
公座宜事否臣初三日到任彞憲亦即到臣不勝駭異戶部
公座原以尚書長侍郎傳令加彞憲一公座則臣今日之為
侍郎也傳尚書乎抑傳內臣乎此等儀制臣不容不鄭重故
僅與之川堂賓主相接而公座毋寧已之似大拂彞憲之意
而臣不顧也遂詣右堂大房升小公座聊應吉期該廳司仍

候臣出升公座臣竟謝不敏矣我朝二百餘年堂官受事草
草自臣始臣部餼羊賴以少存而國體所傷亦已多矣且總
理兩部公署已遵旨另置訖且即設一公座以見朝廷之臣
另一規模臣部公座仍還之臣部豈不名正言順而內外得
平矣有旨總理已有公署錢糧應到部驗核着會同料理升
堂公座事如舊例弘圖遂引疾求放不允疏七上削籍

設遷曰 上鑒魏氏之禍盡收璫柄中而借叢啣命四遣

特据公卿之上高司空耻于隅事引疾堅往志節熾然不

汚雖與日月争光可也公座擬旨當出宜與聞司空引疾




時宜興過候夫不優人以禮而私示款曲彼容悅之臣烏足論哉

癸卯 上幸太學行釋奠禮先期徵衍聖公孔胤植五經博士顏光曾曾承業益弘譽陪祀

兵部贊畫主事張國臣出撫叛兵巡撫徐從治奏其非計每撫使一出則攻城益急國臣曰我不當縋出城擊以怒之也米爾則必使叛兵賊衆任意攻圍我拱手以萊授之如孫元化斷送登城故事而後可成國臣之撫乎當叛兵之過青州也舊撫余大成擁兵三千追剿甚易元化遺書云賊已就撫

兵不可往東一步以壞撫局大成如其戒而止及至登城明知張燾兵已順叛兵又使燾領兵出戰又聽三百餘賊誑言開門揖盜數十萬生靈致盡為流血今萊城被圍叛兵視臣等猶元化也雖然為之解曰吳橋激變有因也一路封刀不殺也一聞詔使遂止兵不攻也吾誰欺、天乎今元化入京已久又得國臣偽報盈廷集議必以為一紙賢于十萬援兵絕跡不來職此故矣臣死當為厲鬼殺^賊臣斷不敢以撫之一字而謾至尊淆亂國是送封疆而戕民命一誤再誤不可收拾也奏入中朝不以為然蓋周延儒主之上心動命兵部



右侍郎劉宇烈總督山東軍務討之

乙巳總督朱燮元一品考滿進少傅兼太子太傅

議兵部添設昌平鎮侍郎不果

孔有德以舟三十艘招皮島將陳有德有德隨誘殺二島將以三千人入登州又四千人往

丙午太監張彝憲奏省直料價欠至一百餘萬金命工部開數勒限嚴核

丁未大學士何如寵引疾去不允

命戶部覈原兵若干實在若干額餉若干浮餉若干增于何

自始于何年逐一開奏

申軍機泄漏之禁

楊一鵬彭汝楠為兵部左右侍郎

戊申 穆廟德妃李氏薨

兵部左侍郎王國楨服滿辭任不起


己酉河南道御史李應薦言 皇上謁大學祀先師始知國學為天子之學天子視學為國學盛事則向之禁止講院益為無名

庚戌前戶部尚書張我續下法司追贓保定巡撫丁魁楚言

國權

崇禎五年

十二



其逆黨遺奸也

辛亥初命提督京營襄城伯李守錡簡練三萬四千人未報功切責之

癸丑命禮部禱雨

汪慶百為太常卿馬鳴世為太僕卿

庚申命朱光祚督各官築李待口決隄

壬戌賊自武安監陷華亭縣甲子遁

癸亥巡撫張福臻擊盜數有斬獲招降計四百餘人河南內邱縣扁鵲廟生殿火木石俱燼神鬚如故

四月戊辰朔己巳賊近莊浪官兵至又走


辛未提兵曹文詔追賊至張麻村共斬五百二十九級又固原兵斬一百十七級

庚午提兵鄧玘王洪以川兵犯一萬二千人自昌邑東渡距萊州四十五里不進且通叛兵

賊犯西安北界薄耀州鄉官宋師襄與知州范鳴珂固守丁丑曹文詔楊嘉謨追賊耀州之咸宜岡斬百九十一級

戊寅官兵于三股水斬七十四級

己卯萊城兵出外搜糧被掠三四百人




練國事遣副總兵張全昌擊賊耀州斬四百六十四級
壬午曹文詔楊嘉謨戰隴安司斬三百五十九級

癸未叛兵攻萊城西南隅巡撫徐從治額中炮卒從治浙江
海鹽人萬歷丁未進士令桐城累遷武德道叅政至今官天
啟初嘗劄妖盜今力守萊城五十餘日事聞予祭塋贈兵部
尚書廕錦衣百戶世秩立忠烈祠

錢謙益曰嗚呼兵部條上方略固曰萊撫守萊東撫駐青
調度公不入萊可也公不入萊必不死公不死而號于人
曰我奉詔駐青不敢失守雖亡策不任受罪也公之意以

為東撫控壓全齊駐青不足以鎮萊人之心而入萊則自
可繫全齊之命委一身于孤城示全齊之人以必死而劫
之以不得不救是公之居萊者所以救萊也賊盡銳合圍
累旬浹月慮我師之贅其後必不敢解圍長驅狼豕奔突
是公之守萊者所以救全齊也賊致死于萊力盡不拔勞
瘁單乏師老形變解圍之後以全力虜登三鼓氣竭支柱
撐拒不翻城內應則衝宵尾遁是公之固萊者所以復登
也雖然世知公以死守萊之為功而不知其以死拒撫之
尤為功也賊以撫謾登以撫謾萊且以撫謾中朝而獨不



能謾公公死之後馴至于侮明詔戕命使而萊卒堅守不
下公以死持之也故曰其功在萊登之撫疆吏主之萊之
撫中朝主之公之拒撫非拒賊也而拒中朝也拒求撫之
賊易拒主撫之中朝難以此拒賊易以必死拒中朝難故
曰其功在社稷嗚呼其故難言之矣
丙辰張全昌又斬七十八級賊奔慶陽
癸巳曹文詔楊嘉謨于楊三川斬賊二百四十九級
甲午降盜叛者掠米脂官兵擊斬三百十七級始遁
丁酉江寧地


紅夷千餘人築彭城湖官兵防守之
湖廣流盜自興國直入江西泰和縣

五月戊戌朔洪承疇自綏德至西川與延綏巡撫張福臻合剿
解散脅從八百餘人擒斬四百餘級

己酉遣中書舍人陳六韜存問前太子太保南工部尚書丁
賓時年九十

庚戌萬 監錄事周弘光數殺賊有功陣沒

群盜據鉄角城耕牧時電傷稼乏食野掠復攻合水縣知縣
施喬栢固守



甲寅南吏部尚書謝陞言賊屢以撫咬我而我堅以撫自愚
今狼狽如此聞撫之一字尚堅持不化屢墮術中而不之覺
咽喉要地豈堪再擲也

乙卯魏王德馨薨

庚申周府柘城王肅淳薨

六月丁卯朔曹文詔楊嘉謨等擊隴西賊斬百餘級

辛未曹文詔擊賊方山斬七十二級降七十五人已又斬百
餘級宵遁追剿共斬三百二十六級隴西餘孽始盡初賊千
餘人原敗餘流劫隴西官兵失利執通判張廷極

壬申河決孟津口橫浸數百里

癸酉南通政使毛堪卒字 江南吳縣人萬歷 進士

予祭葬贈南工部右侍郎


尉氏密縣等大雨水鄆陵至浸城

壬午楊建烈為右通政

甲申兵部員外郎華允誠上言三大可惜四大可憂刺溫體
仁閔洪學 上詰面奏允誠又極言其失謂私徐從治沈演

唐世濟等奪允誠俸半年

辛卯洪承疇追賊于甘泉



江西流盜自吉安屠富鎮攻撫州府城及樂安掠崇仁

七月丁酉朔洪承疇擊賊于延川斬二百二十餘級

福建海盜始流浙江過溫入台

庚子鄒之有為錦衣衛


溫體仁言華允誠論臣與冢臣閔洪學同邑相依驅除異已
遍布私人專欺黨擅夫六部之事各有司存冢宰少同研仕
籍又同朝誠時過恬然未嘗私語乃語臣中有垂涎冢臣之
位及前此求枚卜節鉞不為推轂橫口詆誣臣胞弟育仁監
生候選臣使改廕必不敢借史館劾勞等名色臣門生亦自

有人未嘗一有報舉此而不私又何私乎其所稱庇同鄉排
善類其一為鄧英之叅沈演是臣同官票擬其一為羅喻義
商訂講章直入閣中盛氣相加安得不據事直糾至于處分
自有宸斷吳執御狗私濫薦致干聖怒于臣何預皆羅織為
罪閣臣將安所措其手足哉臣草疏畢又與御史周堪賡與
允誠相和摠之百千誣讒一勘自明矣

辛丑萊州推官屈宜揚入萊州城云叛兵且降欲一見防院

謝璉

摠兵曹文詔勦鉄角城賊中伏失利摠兵楊嘉謨賀虎臣駐



驛馬關會搃兵楊麒等

壬寅司禮太監曹化淳提督京營

南刑部尚書沈演罷

逮巡撫宣府沈榮時揮漢虎墩鬼慙犯張家口求款市。榮不以聞即答書設誓宴賚。太監王坤以聞。

命禮部驗朝鮮使臣市物兵部主事鄭觀光赴會同館九市

三百八十餘件禁城圖與馬禮部尚書黃汝良叅提督會同

館負外郎潘陳忠利其厚貲遂下獄戍鎮海衛

癸卯巡撫登萊謝璉堅主款遣萊州知府朱萬年出南門出

諭叛兵孔有德等下馬迎拜萬年復入。

甲辰長巡撫謝璉太監翟升劉知府朱萬年同出宣詔被執中

萬年急呼閉南門叛兵即殺之推官屈宜揚俛得入午後叛

兵引翟劉二太監至城下求登萊巡撫印不應而退萬年四

川人萬歷間貢士性勤敏預備糧芻設守具拒賊數月人心

益固萬年力也是日妾生子人幸其有後事聞贈光卿祿巡

按王道純上言遼按張銓加贈尚書人以為宜今萬年之死


與銓不殊而前官品視銓尤高宜何處焉。

已酉叛兵攻平慶州

國權

崇禎五年

七



萊州推官屈宜揚自經

癸丑曹文詔楊麒等戰虎兒凹共斬賊六百五十有三級賊始飢困

乙卯馬士英為右僉都御史巡撫宣府

時報登州遼婦生子人身猴面頭二角雞足生即能言云八月某日閔將軍助陣盡滅賊面詰兒言如初斬之詣閔將軍廟卜不利毀其像

戶科給事中馮元飈奏禮部尚書董其昌侍郎王應熊恨黃汝良不聽私囑肆詈傾陷何以為群僚表率也其昌乞罷

丁巳諭各衙門奉旨立限具題未遵者申飭之


戊午巡撫江西解學龍報旱災

己未誅孫元化其周方蘇吳維城秦世英成邊宋光蘭王徵成近衛元化江南松江人萬歷壬子貢士吏科侯震陽薦其才遂授兵部司務從孫慎行贊畫尋進主事專筦章奏崇禎初進郎中累至今官登萊巡撫

癸亥紅夷犯福建銅山

甲子科給事中呂論兵部尚書熊明遇有云行文無

益今日事祇憑上福遂罷明遇



兵科給事中汪

叅摠督劉宇烈用推官屈宜揚令往萊

州諭叛兵云叛兵欲見防撫謝璉此宇烈縱寇流毒而猶委罪防撫以希自免方宇烈受命叛兵初無悔禍宇烈一敗謬希撫局奉旨不得玩泄終不聽也因而陳洪範勾叛兵鄧玘築昌邑城自固并不問萊城請兵則真保定未足也索川兵川兵未足索關外屬夷自春而夏自夏而秋宇烈之肉寧足食哉四川道御史王亦劾宇烈喪師辱國今宜新撫朱大典代之尤要在立發尚方劍便宜行事

張自烈曰孫元化余大成散法玩寇堅持撫局一撫而黃

縣失再撫而登州失萊州圍覆車在前三尺童子知其不

可劉宇烈仍以撫自愚何也古今應變異宜戰款剿撫時

遞為用然款可以羈夷狄不可以豢畔賊撫可以誘飢民

不可以貸逆臣今賊敵日酷賊志日驕即幸為我撫將使


之征胡自贖此曹心懷不軌如虎傅翼潛與胡通為憂滋

大將使之仍鎮登萊負隅一方盤踞難拔是唐藩鎮之禍

再見今日也况彼負罪既深狡黠百出萬一不為我撫者

哉律以朝廷紀綱不可撫衡以登萊時勢不能撫宇烈並

墮術中恬不知慮今日通書明日遣官損師辱國莫此為



甚則深恨閣臣之謀國誤也周延儒輔政以來建奢弗靖
山陝流寇繼之流寇弗靖東省叛兵繼之滇南閩廣到處
騷延儒獨冥然不畫一策即登萊近事信一私昵之孫
元化以撫自愚東事既誤于始復用一庸懦之劉宇烈撫
局不變東事又誤于終惜哉

總兵曹文詔等擊賊斬三百八十一級又五十八級
流盜陷大寧縣

八月丙寅朔吏部尚書閔洪學罷

天壽山大雨木衝損慶陵議處前督工官前尚書王永光申

辨不問前工部尚書劉思仁落職

甲戌曹文詔等戰于甘泉縣擒斬九十六級

乙亥斬四百三十六級洪承疇令脅從辨髮者免殺逃出環

縣降四千餘人散者亦數千人官兵疾進斬二百五十二


級誅其渠帥餘散匿山谷

叛兵攻高密

東路叅將牟文綬敗叛兵

丙子登州叛兵欲航海先移家長山島我兵奪其路

丁丑套下千騎窺甘肅協守涼州副總兵柳紹宗及西協左



副總兵相希尹擊斬一百二十五級

庚辰 皇三子慈烟生

白廣恩殺其黨來降齊一勳郝維端俱降請殺盜自贖

逮山東總督劉宇烈

辛巳叛兵撤精銳入登州北城將宵遁總兵吳襄等遂擁眾

先登

乙酉萊州叛兵遁官兵抵城下復招遠縣再復黃縣始解圍

庚寅寧夏地震有聲命吳士元為祭酒

癸巳李長庚為吏部尚書

山西寧武兵敗于大軍鎮

盜陷春壽陽時大兵東追賊于沁水又破石樓澤州殺州人

叅政張光奎後贈光祿卿廕監

九月丙申朔右中允倪元璐引疾去

壬寅韓日績為禮部尚書康新民為南刑部尚書

孔有德敗入登州城官軍圍之

山西巡撫宋統殿以失事免


戊申張鳳翼為兵部尚書許鼎臣為右僉都御史巡撫山西

總督薊遼曹文衡罷

國權

崇禎五年

三



王揚德為都督僉事提兵官鎮守廣西

左都御史陳于廷罷

以太監鄭良翰謝文舉扶進朝魏典盧文德提督京營

已酉流盜陷脩武縣殺知縣劉鳳翔恣掠而去

庚戌華陽人李國泰故闖者在京遇兵部差官李國安領牌

往四川雲南國泰代行詐稱東廠訪事內使入滇見邸報許

撫普名聲即至阿迷州普名聲宅傳旨訖十月庚午還臨安

名聲亦疑之許于巡按蔡侃訊之始得其實以聞

甲寅劉之鳳為光祿少卿

丙辰傅宗龍為兵部右侍郎總理薊遼

已未張至發為順天府丞

庚申賊掠新鄉

癸亥四川磁州道祝萬齡以毛兵八百人逐新鄉賊走陵川

甲子登州叛兵出戰副提兵丁思侯中炮死

西安縣雨穀其粒粒長于常稻差黑

山西流盜破臨縣天險兵備道潘光祖誤信招安致之賊


魁豹五等據其城李自成掠懷濟焚清化鎮河南巡撫樊尚

燦以晉人之爭左良玉也奏言賊在山西垣曲漸近濟源請

國權

崇禎五年

三



良玉移駐澤州北可以援高平長子東可以救臨陵川潞安
西可以應陽城沁水為晉保鏡兼顧濟源是豫患未甚劇也
十月乙丑朔遠巡撫宣府馬士英以擅答守備又取都司庫金
六千太監王坤密聞

戊辰曹文詔等攻餘賊于生高泉斬八百五十九級于寧州
斬八十七級再戰于三水官家洞斬二百三十二級
庚寅楊方盛為太僕少卿蔡國用為大理右寺丞
故兵部尚書趙楫孫起臺乞卹典不許

十一月乙未朔孔有德李九成以萬餘人出戰而敗棄登州九

成中彈苑

雲南阿迷州故土官普名聲妻萬氏子普福遠奏家奴龍得
者邪構衅稱兵名聲雖故蒙恩曲宥遂縛二奴斬叛黨百三
十二人函首以獻

十二月甲子朔故大學士李庭機加贈少保廕子啟順入監
巡撫大同張廷拱卒


丙寅登州叛兵航海半入黃縣

丁卯曹文詔等戰于耀州斬賊七百三十六級于翎子山斬
七十八級餘北走追殲略盡其潜伏鳳凰山者漸集

國權

崇禎五年

辛酉



戊辰御史吳姓言河決浸及祖陵命責河南道尚書朱光祚
同漕運李待問勘奏

壬申流盜自河南息縣破光州


甲戌命順天府尹祈雪

停開納事例詔曰朝廷分職設官原以任賢用能非可別開
俸濫乃十餘年軍務煩興群議足餉計臣條奏輔貲並與選
授雖少助國家師徒之費然一時偶屬權宜事久必滋弊蠹
吏途紛雜名器混淆有賢即可博官才品俱在勿論甚而儼
然民牧措克取償階屬尤為不堪朕方慎稽流品撫恤痼瘵
而開納不除則流之不清源何能潔茲特諭盡行停止不得
再行援納

總督張宗衡山西巡撫許鼎臣同逐臨縣賊，轉入磨盤山
山方六百里閭正虎據交城文水以窺太原邢滿川上天龍
據吳城向陽以窺汾州紫金梁等以秦兵豫兵毛兵盡集澤
潞東南遂乘虛掠東北從沁州武鄉遼州榆社入榆次又入
壽陽距太原不五十里許鼎臣徹臨縣之師更顧根本矣

乙亥進禮部尚書李康先太子少保

議戶部添設侍郎



命提督河道工部尚書朱光祚督守臣脩築淮揚決河

丙子宋守義以原官提督京外內外巡捕

吏部尚書李長庚入朝


戊寅嚴皇城守衛

南京錦衣衛指揮使許自強為江南副總兵

庚辰南禮部主事周鏞請撤太監張彞憲略曰內臣用易而
撤難此從來之通患今見因內而疑廷臣者多矣用廷臣而
疑內臣無一馬如彞憲用而高弘圖之骨體終不可容矣至
如金鉉孫肇興魏呈潤趙良曦曹文衡王弘祖馮師孔李曰

輔之激直熊開元之慷慨悉皆斥處未能枚指尤可嘆者每
讀邸報半屬內侍之溫綸從此以往鍛鍊臣子委贖天言祇
狗中貴之心將不知所極矣 上怒削其籍禮部負外郎袁
繼成疏救不聽

夏允彝曰 烈皇帝大阿獨操非臣下所得竊用而每當
舉措則內璫發其端似陰中而不覺也若滿朝之用舍榮
枯一視首揆之趨向亦似為所陰移而不覺者當初政時
不許內璫與廷臣交一私語廷臣遂忽璫輩不足顧而攻
東林者默結之日以朋黨之名中于上其時以通內自詡



者史堃也輔臣錢龍錫之獄皆史擠之及其得出錢自云
有大璫實心寃之不然必無生理溫之陷錢謙益于獄也
謙益去死如髮大璫曹化淳憤而發奸棍陳張之陰謀陳
與張立枷死溫逐而錢釋矣薛國觀之死也啟璫王化民
寔為之而周延儒之死也則又小璫怒之也廷臣通內
漸亦不以為醜曹璫之喪其父也大臣與言路多往致祭
馬小璫喪母大臣亦多往送甚有倡為傳單者揚之不
之諱其九卿不往惟鄭三俊程國祥耳廉耻喪國事安
得不敗然此時璫輩特陰為播弄耳其畏 上英明甚也

甲戌胡沾恩為右僉都御史巡撫大同

曾楚卿進禮部尚書


乙酉鳳凰山賊自斬其魁郝維端率眾以降諸將分領入營
還軍君

戊子追北擊斬四百十九級

己丑命右少監劉芳譽提督九門


壬辰有飯釜戴木甌飛至霍山縣前市民陸和家

令百官進馬三品以上各一匹餘或合進俱納御馬監不過
賚金質之本監也否則外入雖駿驥亦却之



命齋祠廟倉舖
福建莆田知縣張拱機以徵賦激民變免官下臺訊

國家圖書館, NATIONAL CENTRAL LIBRARY, TAIWAN, R.O.C.



國權

崇禎六年癸酉

正月癸巳朔大風霾日生兩珥


丁酉流盜闖入畿南距順德百里時盜之大隊尚在山西零
騎數百分為二道一北向窺固關一南向懷慶衛輝盡遭蹂
躪矣

給事中孟國祚言畿南咽喉重地順德南為大今晉有曹文
詔張應昌豫有左良玉鄧北賊將何之乎昔之秦毆于晉

國權 崇禎六年

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.



毆于秦豫者今轉而毆之順德矣

庚子運舟出天津海口颶風覆

壬寅盜在山西邢臺于三省交界摩天嶺窄道山崖羊腸小

徑直犯武安

癸卯又犯陽城參將芮錡守備王繼統死之

乙巳總兵曹文詔剿賊于霍州值賊萬餘渡汾河追斬二百

三十四級

史可法為江西叅政

丙午張我續論死追贖十八萬有奇

以科臣查核邊鎮兵餉欲提綱挈要近來竟失立法初意但
瑣屑繁苛虛文塞責甚非籌邊長策今後部科新設查核等
差俱停止

丁未總兵左良玉破賊于涉縣西坡斬其渠賊望其旗幟皆
靡然耽、未忘中州也

戊申停錢法侍郎

辛亥京師大雪深二丈尺餘


工部郎中孫肇興下獄

癸丑曹文詔進都督同知

國權

崇禎六年

二



復臨縣叅將劉光祚功居多光祚前被逮得釋初分守道潘
光祖誤信劣生梁明倫招安致城陷明倫約永寧山賊劫我
我營難民縋城出報官兵詐為陝賊至山中斬之尋逮光祖
錦衣衛右都督田弘遇乞肩輿不許謂勳戚加恩不得自行
陳乞

甲寅留兩淮鹽課十萬充餉客兵

乙卯蔡奕琛為刑部右侍郎

丁巳曹文詔擊賊于孟縣共斬九百十六級時圍孟縣

戊午前 道御史黃宗昌削籍

己未大學士周延儒以宣府閱視太監王坤疏叅乞休不允

庚申遣催外餉十一人

辛酉馬鳴世為南右僉都御史提督操江


壬戌進黃士英都督僉事世襲副千戶

大風霾

曹文詔追賊于壽陽斬四百四十七級

二月癸亥朔建昌軍沈學之家生豕二身一首八蹄二尾

黃道周陛辭奏臣自少學易以天道為準以詩春秋推其運
候上下載籍二千四百年考其治亂百不失一臣所學本于



周孔無一毫穿鑿其法以春秋元年己未為始加五十有五
得周幽王甲子其明年十月辛酉朔日食以是上下中分二
千一百六十年內損十四得洪武元年戊申為大明資始戊
申距今二百六十四年以乾屯需師別之三卦五爻丁卯大
雪入師之上六是 陛下御極之元年正當師上六其詞曰
大君有命開國承家小人勿用自有易辭告誡人事未有深
切明著若此者也凡易一卦直六十七年零一百五日一爻
直十一年零七十七日有奇今歷十分之四矣

乙丑大學士林鈺始入直

丙寅叅將猛如虎擊賊于解愁村斬五十級

丁卯王錫衮黃景昉李建泰劉若宰管理文官誥勅

戊辰曹文詔追賊于固莊賊北走斬五百餘級巡撫許鼎臣
請文詔在平定是太原之東也李甲佐之張應昌在汾州是
太原之西也賀人龍佐之餘為游兵


召左都御史張廷登曰風紀重地向來考核御史之法不能
實外今察吏安民莫先考核卿其勵之

庚午召廷臣于文華殿謂左副都御史王志道曰遣用內臣
原非得已朕言甚明何議論之煩也昨王坤疏朕已責其率

國權

崇禎六年

四



妄乃廷臣糾劾莫不牽引內臣豈處分各官皆為內臣耶對
曰王坤叅及輔臣故舉朝皇皇為紀綱法度之憂內臣既可
糾廷臣亦可糾內臣為法度惜非為諸臣地也 上曰
朕見廷臣于國家不之言因內臣在鎮未便作弊借王坤疏
挾制朝廷誠奸巧也且文武各臣朕未嘗不用因其蒙狗勉
用內臣耳周延儒等請優容 上色稍霽延儒曰志道非專
論內臣實責臣等溺職 上曰職掌不脩噉名立論何堪憲
紀命志道退

諭吏部尚書李長庚兵部尚書張鳳翼曰吏兵二部用人根


本用一官輒賄借京債赴任安得不賸民卿等須盡革其弊
文選職方二司尤要

辛巳沈珣為右副都御史巡撫山東

壬午曹文詔戰于大谷斬三百三十級賊千餘走垣曲

丙戌應天解緞段四千三百三十四匹承運庫太監周禮駢
退二千六百七十八匹責改造于是應天府尹詹士龍言通
判成克延督織造亦引咎

賊氛益熾屯輝縣之百泉書院三日尋北踞林縣山中于是
趙村飢民相望而起河南兵七千先後失亡殆盡左良玉勢




成孤注不得已請鄧玘兵

丁亥流盜再犯濟源懷慶中軍曹鳴鶴以兵千餘敗沒
戊子山海關永平大雨水連旬壞城郭田舍人畜亡筭
福建兵擊劉香老敗走之

山西垣曲典史秦宗文以義勇百餘人逐賊于聞喜死之
辛卯曹文詔斬榆林賊二百四十三級文詔屢捷惟山西搃
兵張應昌逗遛不進于是賊渠柴金梁老狗、從榆社敗北
奔叅將艾萬年賀人龍斬之巡撫許鼎臣奏曰流盜三十萬
流毒晉地五年今以皇上神威就殲十之五解散十之三至


若西賊萬餘遁濟源山內其山為王屋底柱析城中條今李
甲艾萬年從沁州陽城沁水之延巒天井關入剿今賀人龍
李若芳從垣曲絳州之邵源關礮塚村入剿此西路之大槩
也東賊二萬餘遁輝林武陟山內其山為青羊谷赤狄囿王
莽嶺伏牛山碗子城大王庄小西天孫臍坡箕山遼山鎮臣
曹文詔中軍孫茂林自潞安之黎城入剿而遣標下猛如虎
等自遼州和順樂平之臯落山入剿此東路之大槩也太汾
西北有三閣王剛短毛賊二股不滿三千鎮臣張應昌叅將
劉光祚任之諒可刻日奏功其晉中蜂起之盜如霍州之東



山趙州之林糧山隰州之水頭鎮石樓之花地家孝義之開
府喬山二寨反者蝟起則皆土賊可折筆管不足加兵異以
寬文法而上亦謂之飢民非流寇也

諭都察院曰近來民窮多盜皆由親民之官貪殘所致妄取
民財彌縫津要所以舉劾不當貪人得志小民愈苦比聞近
京州縣未征錢糧先比火耗又于此外巧其名色不論有罪
槩加罰贖取民物不償其值或曰小事以嚇取或聽胥役以
剝詐甚至逞忿酷斃無辜種種害民難以言狀即命按臣速
行體訪據實具奏不許黨庇隱徇朕如別有所聞一體論罪

又諭禮部曰設科取士專為求賢近來士習日偷貢舉失當
此皆督學司教董率乖方培養無術以致朝廷不獲收用人
之效朕思人才必宜首重德行如果孝弟廉謹自然不貪不
欺盡忠竭節何必專工文藝按會典提學勅書內敦尚行誼
以勵頽俗不專論文優劣近不遵行至小學及州縣社學原
欲養蒙儲才近不興舉士子惟以富貴為志全不知立身修
行忠君愛民之道教化不明士風吏治安得不日趨于卑乎
朕欲童子必入小學遇試先核德行自士子以及鄉會須必
有實行方許入試異日敗行考官併論又教官為士子師長



化導最親近來衰庸充數教術全廢此尤士風不正之源今
須設法興起至于四海之大豈無潛脩碩德積學弘才清直
剛方寔堪大用者更宜特拔一二以示風勸至科道不必專
出考選館員須應先歷推知并酌議來行

三月壬辰朔

辛丑巡撫河南玄默受事

吏科都給事中劉斯喙劾稽勳郎中牟道行嚮高爵實官急選
自掣籤私改乞褫斥之

丁巳張應昌擊賊斬二百十九級擒十人

戊午興平知縣楊天際入覲至陝西乾灤鎮值寇創甚并失
稅金一千四百有奇各州縣入覲官俱阻巡按陝西御史范
復粹以聞

己未蜀賊攻百丈關守備郭霑長陳中敗沒


庚申官兵戰于龍潭斬百餘級被圍而潰敗圍廣元七日

辛酉江南六安州桃源縣大風雨雹傷麥

發十萬金命御史陳乾陽賑山西飢

鄢陵雀巢樹上形如匏瓜百十為群共巢一

四月壬戌朔苗胙土為右僉都御史撫治鄖陽



丙寅賊破平順殺知縣徐明揚

壬申官兵敗賊于武安

癸酉應張昌敗賊斬一百八十四級擒十二人

鄭芝龍剿劉香于雷州

乙亥曹文詔敗賊于陽城斬一千五十餘級文詔移大同搃兵合剿流盜兵部令副搃兵李甲以臨鞏兵張應昌以寧武兵二千餘人至鳴謙馱逃四百有奇

姚士慎為南刑部尚書劉定國為南工部尚書
孔有德耿明仲由蓋州降于建州初仲明弟仲裕陰通建州


鎮守東江搃兵黃龍計誅之及登州陷龍舉家死焉又撫定鹿島長山島旅順島各誅其黨龍守旅順計有德必逸必道旅順奔建州果至逆擊有所斬獲擒毛有賢承福等前登州火器大炮與積其技者皆歸于建州矣

庚辰石砬叅將馬鳳儀邀賊于永年縣之義坡城被殺

辛巳各京省積虧益課三百二十萬餘命有司如正數全解否則指名叅處其金花銀及積負分見徵帶徵着勒限完

禮部尚書黃汝良上昭代樂律志攷命付史館

河南西路盜自輝縣入清化鎮游擊越効敗沒左良玉擒斬



六十一人其武安東盜游擊陶希謙擊之亦敗沒部議河南
不塞太行之險輯賊使入不得無罪河南鄉紳奏請

洪承疇提督山西河南軍務部議移承疇駐潼關為三省交
地監制晉務豫二撫并曹文詔鄧玘張應昌三鎮上不允
第假晉豫二撫事權立限三月平賊

壬午真定巡撫 移鎮順德保定提兵梁甫進洛水邯鄲

劉臨城賊

命司禮太監張其鑑郝純仁高養性韓汝桂魏伯綬等赴各
倉同提督諸臣盤驗收放

故戶部員外郎陳此心成邊

癸未承運庫太監奏段匹欠至數十萬命有司勒限輸上

甲申故萊州知府朱萬年予祭葬立祠廕監巡撫謝璉復原
級加兵部右侍郎

乙酉賊犯沙河臨洛官兵拒卻之

兵眷部請三省撫臣親在行間晉撫同曹文詔入陽沁山中
道臣王肇生同張應昌入潞安山中豫撫同左良玉湯九川
田萬直入星軺駟同鄧玘由武陟直入少陽關保定巡撫
同梁甫周爾敬入小西天等處其偏裨各選一知兵道府督

